

道士三禮晚詞云

其等伏闕大道闡慈悲之教衆生蒙濟度之恩式按金科肅陳淨醮既真仙之下鑒而符籙之可陳福被三途功超九夜願施開度拔爾沉淪

答云

玉言全訓示之寶籙當符九夜三途賴之度魂煉魄當付上士不傳非人願茲闡芽之肅材詎敢獨當於大請

再跪云

三界俯臨一心至恪符籙尚陳於座席靈儀實賴以生天仰辱遜謙遠辭請禱觀仰體奉天意俯從乎人心願於九夜之沉魂實乃道師之慈惠既精誠而必至望謹節之早來

答云

伏聞代天行化利物濟人必也道價之高明故慰人情之願望實惟淺陋難以奉行

再跪云

伏念某拜表上章常屢聞於三界肆筵設席已敷布於四隅齋心激切以瞻天苦衷悲愁

而俟命伏乞高功大法師言泉潤下大摩包荒促羽旆以博臨演靈文而廣濟三途五苦願施拯拔之仁滯魄幽魂實賴超升之澤某无任懇禱之至

答云

請約再三信誠備悉既真靈而俯垂下降願愚昧而敢不上聞表不容辨禮當敷奏符籙裝嚴於寶軸靈魂鍊度於朱陵大衆前行願從其後

請真師頌曰

龍漢啓盟津 劫劫度天人 大開靈寶簡 津濟生死輪 是謂慈悲道 能發枯朽榮 自非吾世師 孰與達幽冥 靈寶无量度人上經大法卷之四十八

靈寶无量度人上經大法卷之四十九 光

降召符命品

真人曰大有妙庭金闕玉房皆元始靈寶之炁結成自然之文以制萬天之分夫行持之士若建靈寶壇須蒙降真召靈二符以化壇陞為金闕梵行之界方始行事

上清靈寶降真符

開明 是為 玉山上清 大單 三景 天根 上京 玉清

三華 大有 大行 元元 離便 妙庭 梵炁 上真

與道 合同



上清靈寶召靈符

天中 妙妙劫月 元幽 之天 混沌之中 元冥



神公受命君 普掃不祥君 八威吐毒君  
 猛馬四張君 天丁前驅君 大帥仗槍君  
 擲火萬里君 流鈴八衝君 金鐵前戮君  
 巨天後刑君 屠割鬼爽君 風火無停君  
 千千截首君 萬萬剪形君 明檢鬼營君  
 金馬驛程君 元洞玉曆君 混洞赤文君  
 敷落玉篇君 赤書玉字君 八威龍文君  
 旋斗歷箕君 上開八門君 飛天法輪君  
 欲界大魔王 无色界大魔王 色界大魔王  
 東送妖精君 斬滅鬼鋒君 敕制地祇君  
 歷闕諸天君 普告三界君 寬度朱陵君  
 受煉更生君 消諸不祥君 保舉上仙君

右官君皆屬法都之驅使應書神君號念  
 諸天校錄主諸天臨軒已至中  
 中指中

召十方飛天神王符

師曰十方飛天神王威德最大功力甚重  
 聖化不可思議於赤明劫初在浮黎國中  
 開圖校錄之日奉元始至尊之命掌三界  
 十方一切圖錄校量罪福輕重記錄功過  
 淺深隨方量品无極度人各有十方飛天


使者吏兵億乘萬騎兆能崇重尊仰敬奉  
 凡諸度生救死遣飛天使者奏告神王乞  
 行救度朱書方位各隨事往於下吞佩燒  
 服貼鎮五獲神應

師曰所召所服別有密旨慎无妄泄犯之  
 必至殃考擇吉日抹古楓木作九宮盤方  
 面六寸畫九宮八卦中宮立上下二方以  
 三素之色為線繪如欲用栢木作神王位  
 牌圓面一寸許自初一日為始召之凡有  
 所度朱書其言擲直之方其響應立至无  
 所不給无所不服无所不至无所不度也

初一十一二十一東方神王下降初八日  
 十八二十八南方神王下降初四日  
 十四二十四西方神王下降初五日  
 十五北方神王下降初三十三二十三東  
 南神王下降初六十六二十六西南神王下  
 降初七十七二十七西北神王下降初九  
 十九二十九上方神王下降初十二十三  
 十下方神王下降

師曰並依神王下降並日用之并所主之


方神王同應之方小事不可召大事方可  
 施用朝元皆神王開道引前也  
 飛天寶臺之式



符散形

大梵 億劫 星宿 元始 无量  
 无上 化身 伴開 演化 度人

教召飛天受  
 事神王速降



教召十方无極飛天神王長生大聖素霄駕降  
 臨  
 年月 日具法術姓 其符召

遺十方飛天神王呪

東方无極飛天神王<sup>無</sup>掌兗州分野震吝之遺呪曰

七靜道生七觀无生元始觀身飛晨玄真東方神聖東教无停急急如靈寶大法律令

南方无極飛天神王<sup>無</sup>掌揚州分野离文召之遺呪曰

靈都九通萬炁交中神教一下靡敢不從急急如靈寶大法律令

西方无極飛天神王<sup>無</sup>掌豫州分野兌文召之遺呪曰

仙司總錄五寶虛中玉教一下莫有不從急急如靈寶大法律令

北方无極飛天神王<sup>無</sup>掌冀州分野坎文召之遺呪曰

建元玄虛寂妙入无神教振伏走霧雲衝急急如靈寶大法律令

東北无極飛天神王<sup>無</sup>掌青州分野艮文召之遺呪曰

安陽昌靈保黃飛群直符所制萬神教聽急急

急如靈寶大法律令

東南无極飛天神王<sup>無</sup>掌梁州分野巽文召之遺呪曰

絳力隱微太真玄珠教命攝制風馬奔馳急急如靈寶大法律令

西南无極飛天神王<sup>無</sup>掌荊州分野坤文召之遺呪曰

空寂暉晨含景玉虛符命所遣莫敢遲儲急急如靈寶大法律令

西北无極飛天神王<sup>無</sup>掌徐州分野乾文召之遺呪曰

顯德總持靜梵玄英玉符一下不得留停急急如靈寶大法律令

上方无極飛天神王<sup>無</sup>掌雍州分野中指甲下召之遺呪曰

圓蓋法輪扶搏耀軋玉符一教直造帝前急急如靈寶大法律令

下方无極飛天神王<sup>無</sup>掌五嶽地府冥暗中指中召之遺呪曰

嶽濱滄溟宗靈教玉符所遣何敢不遵急急

急如靈寶大法律令

總召十方神王呪曰  
洞玄宗先 靈枝之元 太一左史 御氣飛烟  
雍雍侃侃 褒服飛仙 一瞬十極 總御萬天  
阿羅那易 婆步雲延 遠落那顧 乘命玉宸  
付令侍壇 為宣化度 如律如編


總遺呪  
阿羅那易 字連婆步 連落雲延 厥淪那顧  
齋書飛馳 以雲以霧 龍召寶珠 削簡正誤  
錯字為改 落字為注 无令上官 典者遣去

應十方神王各領天兵萬時可以通信十方招集群仙收斬陰魔制伏鬼神不可妄

違 召集萬神啓運符 其運无 以古出

召九陰符

書華陰精 晨耀合明 混冥太真 回反胎嬰



青腰玉女 飛霄羽裙 右侍帝軒 群魔束形  
隨我照篇 提攝魂靈 製慶柔順 安鎮帝廷  
急急如律令


召九陽符



九陽神梵 玄景晶英 真光凝結 及易胎嬰  
太華金童 總統天星 隨符驅役 侍衛合井  
辟邪去穢 摧滅妖精 靈符書下 與道長生  
急急如律令

玉清符

右二符黃紙朱書左手上帝訣天門炁



玉清符文到處萬神咸從  
右符黃紙朱書玉清訣中指元始祖炁吹

入符中

上清符



上清符文到處萬神敬從

右符黃紙朱書上清訣中指靈寶真炁吹入符中


太清符



太清符文到處萬神敬聽


右符黃紙朱書太清訣中指太清混元炁吹入符中

上界符使符



驛龍騎吏星奔火衝急急

右符黃紙朱書中指中文天門炁  
中界符使符




掃地滅山直符威兵急急

右符黃紙朱書中指中文地戶炁  
下界符使符



帝靈敕命帝靈沒水急急


右符白紙朱書中指中文斗炁  
日直功曹符



玉帝靈靈 上徹三清 直日功曹 疾速降臨  
 玉清敕命 救召眾靈 上通無極 下徹幽冥  
 收魔攝鬼 不敢久停 太上敕命 火急降臨  
 急急如律令

右符黃紙朱書指本日訣取木時炁敕呪曰  
 玄曹玉文 立功之官 主治玉清 奏報三天  
 上帝有敕 速下神光 謹召功曹 依律速至  
 急急 三五使者 直日符兵 功曹走吏  
 聞音呼召 急急如雲急急

召富界土地符



軌天精靈 七真元君 五斗筭蓋 纏絡我形  
 身佩七星 流金火鈴 照徹十方 洞及杳冥  
 普告富境 土地正神 魔無干犯 鬼無妖精

千千截首 萬萬剪形 安則有慶 動則无生  
 土地正神 各保安寧 急急如律令  
 召杜神符



訖垂彌洋吒

右符凡有事係召五嶽嶽吏使之書符時  
 拍民文念呪七徧欲召城隍社令應土地  
 典者皆用此拍坤文於其下先書名次以  
 符召此符普常召南昌社伯用之驗

命魔前祛符


皇人曰夫拜表上章朝真謁帝宜先於壇  
 陞焚命魔前祛之符開通道路夫度亡魂  
 亦以黃紙朱書開七寸長九寸青腰封拍  
 上帝訣書之取靈寶祖炁貫注符中存五  
 帝大魔手執命魔之旗引導而行經過三  
 界萬神不敢拘留  
 太清玄光玉清 七元星光 須

。禁光上清寶光。照開道路 臨

赤明開國運度自然七 白元事神七  
 越度三界位登仙公 輪轉無色 熟  
 太一司命志露汎景太霞 上燒上  
 回度五常 嘯詠洞章 清出入

十轉回靈 萬炁齊仙

牒命魔殺鬼前祛符吏



靈元 媿 始 烈 王 柳 救 痼 真  
 符 道 今 備 魔 真 本 大  
 道 道 道 道 道 道 道 道  
 三 三 三 三 三 三 三 三  
 威 策 刺 辟 群 攬 鹿  
 命魔密呪曰

皇人曰凡誦此呪當面西北存九天之炁  
 化九色之光降灌兆身而成圓象光映十  
 方然後吸炁先入口咽液九過叩齒九

通而過焉再拜想元始天尊降於空玄之中而呪曰

黃中策忝斬枝宗察制強精斷邪翁太上有命太上房急召北帝詣玉宮受承威令宮慶王五炁藹鬱與命銜祕藏玉文方就隆三天

運明六天運終賢者哉壯靈寶玉

呪畢存元始天尊降金光自頂門而入北身至于絳宮結成金液之丹光充八溢內外瑩明萬神敬聽三界靡然然後挑中指中而退

執符開道路密呪曰

元始登引 天真大神 上聖高尊 妙行真人 十方无極 至真大神 傾光回駕 監夏度生 諸天丞相 南昌上官 韓司主錄 監生大神 執籙把籍 齊到帝前 隨所應度 嚴校諸天 普告三界 无極神鄉 泉曲之府 北都羅鄒 三官九署 十二河源 上解祖考 億劫種親 疾除罪簿 落滅惡根 不得拘留 逼合鬼群 元始符命 時刻升遷 急急如長生大帝律令 三遍取天門炁一口吹符上彈訣再拾破

元始符命時刻升遷

張萬福天師曰天尊未說經之前諸天三界魔王五帝大魔皆為萬神之宗總領鬼兵遊觀太空自號赫奕與天齊功行威縱

妻病苦萬人男女禱祝鼓舞以敬畏迎天尊說經之後百魔伏化而神公受命普掃

不祥魔无千犯无妖精衆魔既伏天尊聖化便為諸天上聖妙行真人策駕前驅

掃塵啓道所以衆聖將欲遊天先念諸魔前驅策駕也經云魔王敬受事故能朝請

天是也所以步虛當先存思命魔右三朝命魔張清都所言盡矣趙道昇修

黃籙儀誌為內事止於午朝命魔蓋本政和籙此是其可見錯處非經旨也

供侍真君玄武祭祝章

皇人曰玄武者乃玄元之化身抱虛危之

二宿合水火之兩精舉振九天威降魔部

夫行持之士朝真望闕入靖存神莫不以

玄武之神通靈符而行法籙驅除瘴瘡

滅邪魔察其行道之心純乃保舉於玉帝皮心供侍无願不從此靈寶法中之後符者也

祝文

天聽甚卑有言而必察神鑒不遠无願而不

成角動角而官應官誠感誠而德召德雖惡

人齋戒沐浴事帝惟恭夫求學道淺疾傷行

香覆福仰啓玄天大聖依皈北極之神稟日

光而生形合陰精而受質生神靈長勇猛惟

務修行輔玉帝斬妖魔斯救群品佩紫袍金

帶履蒼龜巨蛇劍光射虛危之間神杰衛只

齊之分六丁前擁八煞後隨神繞萬靈成鎮

五嶽騰天倒地掣電奔雲碎妖魔飄蕩鬼

賊百靈咸遵戒令小鬼不敢現形人民无橫

天之尤家國有安寧之慶所祈必應有感咸

通幸奉大法受靈寶之玄章佩印行符應

邪不正克應有求之願潛消無妄之災即使靖治興隆魔王畏懼早著功勳之藉連成大

道之功臣稽首再拜  
召玄武玉符  
福德立降玄真六字



右符拍子文念呪曰

梵行諸天 周回十方 无量大神 皆由我身  
敕符所至 混玄合冥 急急如律令

供侍北辰祭視章

恭聞太極未分含三才而周一氣兩儀既判  
齊七政以均四時運斗極於中天布星躔於  
象外分司闡化立極承天八王為萬彙之宗  
七聖作衆生之祖總七十二候之悉運二十  
八宿之司旋轉斗垣周臨地執為車而調理  
網紀拱辰而統制乾坤喉舌是司樞機是握  
示懸星之所指四海知時觀豈烝之有輝八

絃咸福三台齊色九炁同光掌天上之機衡  
定人間之禍福漢明帝仰瞻光範張天師參  
受真經立玄教於塵寰凡愚於世網矧茲  
動植實有依皈恭行大法濟度存亡若不  
藉二斗之回旋運坎離之逆順欲成道法全

假璇衡今者伏遇下降之辰特具燈燭之供  
伏冀七星垂鑒雲軒暫離於柁霄二帝丕臨  
羽駕權駐於壇渾注上生籍勾落死名七元  
之真炁常充五臟之神君各保早獲真常之  
道速成清淨之風巨謹稽首再拜

召北斗玉符  
默運璇璣四字



右符拍坎文念呪曰

璇璣三術 一時停輪 執符把錄 齊到帝前  
千和萬合 自然成真 急急如靈寶大法律令

召祭身神章

玄師曰凡受誦神文謝罪祈恩日中三朝  
上玄每過行道六時行香三朝者日出日  
中日入別有脩用自依本科六時者半夜  
平旦食時日中晡時黃昏六陽時也所謂  
六時行香正斯六時也香灰不可用窻中

灰火內有伏龍糞遺之火禁須以松栢枝  
紫火化成灰貯磁器中欲得烈火豐香一  
舉烟騰誠隨上達不使綿賢也若持誦須  
綿綿使烟不絕可也其燒香火內勿使有  
辛菜醃烈草木及蟲蛙毛甲之物藥燻上

真大極仙翁多以柳竹燒同葵莖葉并和  
成塊加甘松少許亦無歎此之香火不惟  
疾得大矧又經久一時不灰不醫多因處  
烈火少用則綿久仙翁又多取古藤根濯  
長聚中日曝乾同香木香玄參合搗而焚  
之去穢達誠降真致仙餘辛烈之氣不可  
用也焚香之法端心注意一志存念在烟  
不可反顧閉炁而鼻息默祝通息而拜心  
拜之理恐傾側九官須以體存隨心曲伏  
也一身之主在於神炁神炁合符通真達



靈神走然形穉神何應况一身靈實全在於神是以心拜者神拜也靈實五符神序有召神之法先軍動行之乃萬道之旨衆法之先其法於甲子本命月中二日十六日每日一月五次入靖室中備心意好樂飲食潔素酒果八品而已先面東正坐收心靜定息寧神少時即上香三次叩齒二十四通呪曰

丹元真人太一真人桃康真人胎光真人幽精真人奕靈真人肩神天靈腦神元先頂神東王耳神嬌女目神英明髮神長壽鼻神迴靈口神丹朱舌神丹皇齒神衛士嗽神虎首肩神鬱靈手神塊陰心神响吻肝神臨臨肺神祝祝臍神玉露胃神阻阻脾神禪禪腎神漂漂膽神獲獲丹田神藏精大腸神託託小腸神梁梁陽神窮窮英陰神幽靈腔神陰陰膝神區區腰神孔男足神玄元大力天丁呼召三編曰汝等出吾身中各各請坐前後左右自依本位今日吉日祭祀汝等任意飲食隨意嗜食醉飽為效以盡為度祝

訖存神如已者百十人揖讓先取飲食以盡為度又祝曰

汝等既醉且飽欣樂無極每遇吉日祭召即至常日之時勿得離吾未來吉凶一一先報吾知吾身常存汝等亦存吾有慈憂汝等亦有慈憂或有仙藥致之取之令吾所食令與汝等長生萬物劫變為期汝等即還吾身中各安所治急急如律令

玄師曰坐知未然尸解朝元昇仙道真以此為先十祭之後與先交言百祭之後可致神仙金丹靈芝飲食俱全泄之一語折算十年自致不靈慎勿妄傳

靈寶元量度人上經大法卷之四十九

靈寶元量度人上經大法卷之五十 然燈破獄品 取太陽火

玄師曰昔祖師所說三元簡文然燈科式最為崇重而重陰一照萬苦停言鐵獄無窮蒙光開爽黃籙科九幽齋儀有回輝輪燈九危神燈九獄神燈破昏暗於長夜照苦冥於三途假天象之慧力分上聖之威光照徹寒屬普聞冥壤當於然燈之初法師以丹砂書慧光符先於日正中時念回輝神呪以陽燧取太陽正炁於天尊像前明燭一炬至夜大法師與侍燈法師二人立於像前九拜叩齒九遍祝黃籙齋意又九拜大法師長跪微祝分燈慧光呪三編叩齒三遍執符取聖像炁吹符在天尊前分請燈光進三步二侍燈法師再於法師前分請燈光成三炬方始分序明燈於三所都畢執殘炬并為一枝大法師執殘炬於像前再九拜退如此然燈光照徹於冥陰使幽爽立度於開泰然燈膏油無犯腥